





忠孝王孫風流才子虞山

以地江南竹里柳溪世家

湖右塞桂林之金粟正衣

取杏苑之紅綾旋居甲第

芝扃覆錦遲日影於花磚芸閣含香散霞元於沙洲羽儀

振鷺星列尚書黼黻羣龍門標建禮值夫穀洛交鬪龜

刺天焰王甫之克璫煽趙媵之妖姦正人氣喪咸

肉飛君子道日悉投閒而置散左獲石虎助

啞羊含少以賜言名浪子拍頤望為

寸言

而冰日旋倒日

又沫而日覺開

舊斯時也

擁髻日



城延秋

普天皆

拊心哀死

虞淵日墜

碑

三身正身五角小朝廷不

馳閣

府擅椒房之寵媚狐宵聚樞臣奏燕子之

河

之思娘子絕提桴之壯蘆牌蕞篋橫浦浮江

碎凌

波渡水嗤諸公之乞乞負一老之番番挽日無戈禘人少

石金人辭去清淚如鉛銅狄製成長歌當泣自時厥後謂

我何求石馬玉衣吞聲餘燼龍髯馬角讒語殘灰以釣瀨

為西臺朱噶銜哭指月波為厓海魚腹騰哀唁碧血於同

時皦丹心於終古又况兼年累月悵切南冠弔影悲魂私

修漢臘春歌溺笑擊撞心宵夢噩病吟槎柯肺腑聽秦淮

商女之曲簾外六朝按湖湘紅豆之歌尊前隔世內人紅

袖傷水閣之落花王子白衣惜長衢之寶玦和陶甲子托

粟里以同心弔屈庚寅規長沙而異恨泊乎五溪雲斷野

哭斜暉八桂香殘夜啼幽谷止矣真止矣悲不自勝思之

再思之泣將何及而今而後靡瞻靡依夢樹

吐思拔毛以沃海將剖芥以藏山禪榻髻絲

夢木魚經卷聊為退院之僧而願結因芽情生

山有野史之任矧宗伯為舊禮之司

之錄習聞習見不專盟北之書紅

故事雲東閣集秋槐凝碧之新楚國未亡八能知振

萬上陽白頭女忍沒開元乃獲千劫飛灰六丁肆燄西清



玉軸怒作轟雷東觀瑯函笑為閃電天乎已矣悲也何如  
文不吝茲天并不憐夫後死身恤矣贖臣實自歎其餘生  
然後病榻消寒命祝宗以祈死感投筆擬少陵之悲秋  
其志潔其行芳沒齒於冰崖雪谷其情長其言短報恩於  
蓮舌檀唇斯則血性霜肝生生世界片紙骨筆萬萬恒沙  
者矣弋獲餘編網求軼製碑銜石闕不語慢人入淮流  
無聲嗚咽前集則愛君憂國既一飯而不忘乃飲恨  
吞聲雖九死而未悔以及遺珠滄海或落鮫盤暨夫埋劍  
豐城遂騰龍氣用廣菟羅之志畧書讎較之端敢以論世  
為知人吾生已晚姑擬讀騷而把酒其嘯也歌  
康熙辛卯正月望日桐鄉沈炘如書

牧齋詩鈔

還朝詩集

起泰昌元年九月  
盡天啟四年甲子

嫁女詞四首

余初登第旋奉先人諱里居奉母垂十有一年乃詣闕補官是時  
神廟上賓國論喧騰冠隙突別母北上中心惻愴而作是詩也

桐鄉沈炘如駟襄編輯

中堂何喧闐明燭耀銀缸箱簾啟菱鞋刀尺聲碌碌大姊  
裁羅襦小妹熨袴襠鄰女贈錦段雙雙繡鴛為阿母為婆  
娑篝燈理中裳阿母向我言撫汝嬌且長十載違汝家頓  
頓類媵孀輕軒宵在門重整嫁時裳女行欣有家阿母心  
內傷牽衣告阿母背拍燈燭光女身如明燭影在阿母旁  
有家亦云久結褵在高堂云胡背君子不得奉尊章歸寧  
十餘載道路阻且長欲絕忍棄捐欲往河無梁戢身事慈





母顧影守帷房獨坐親圖史行步施珩璜懷哉采官詩誦  
彼浥露章豈若魯潔婦陌上行採桑菟絲生中田終不慕  
高岡芙蓉悴秋風其名爲拒霜我生不有命胡爲怨空牀  
空牀雖獨守終然念所天主人良高卧臧獲偷晏矣新突  
誰與徙井臼或不完祭祀廢春割寇盜隳墻垣百憂攬我  
心逼迸不得言槌牀復倒枕豈爲兒女歡終身一與齊棄  
捐永相關况我非棄婦何能不沈瀾不見漆室女倚柱起  
長歎

長歎亦何爲會合當有期懷君雙明珠中夜生光輝沈淵  
何足悼光彩諒不虧縞衣與綦巾理我嫁時衣袷服及春  
風何能待秋時醜婦憎明鏡衆女疾蛾眉琴瑟貴靜好閉  
戶理朱絲行行遠阿母回頭涕漣泫翩翩辭歸燕向我飛

差池

吳門寄陸仲謀大叅

步屨相呼倒接離東阡南陌夜歸遲檀槽奏罷翻新曲  
燭燒殘覆舊綦燕賞花時無主客催徵酒社有文移謝公  
底事情懷惡只爲中年有別離

渡江

京江南北路不到十餘年歲月看如此風波意渺然浮生  
催渡客官况釣魚船何事看山老歸期只問田

彭城道中寄懷里中遊好次坡公在徐寄邦直子由  
之韻

臺頭急雨懷邦直東閣淒風對子繇偶到彭城尋舊事轉  
於行役起離憂竊紅吾谷楓霜蚤收綠西湖荻水秋料得



諸君嘗共醉不知曾話阿儂不  
料峭西風汴泗間江東應念袂衣寒軟紅三尺新闥夢嫩  
綠千章舊釣灘拂水鶯花春寂寂彭城風雨夜漫漫情知  
五百年間事銅狄摩娑不忍看

徐州雜題

柳老花殘木葉秋西風斜日總牽愁天涯大有多情客不  
忍經過燕子樓

丁未春與李三長蘅下第竝馬過滕縣貫酒看花已  
十四年矣感歎舊游如在宿昔作此詩以寄之

滕縣春來花萬樹花白花紅夾煙霧交加嫩蕊欺艷陽灼  
爍繁英焰日暮今我來時秋已老柳禿槐黃隕霜露風雨  
依稀下第身鶯花拍點停車路與君過此十四春日月如

梭事錯互青春作伴更幾回紫陌看花是前度花開花落  
下成蹊征人合沓從此去花前掉臂去復來縱見花開有  
何趣羨君真作淡蕩人閒即牽舟湖上任山僧扣門分盤  
餐榜人刺舟乞絹素西湖煙水收淙波靈隱霜林放紅雨  
征途茫茫君倘憶清夢悠悠我難赴推尋舊跡如見君花  
白如銀詠君句長蘅寄余詩云穀城山好青如黛滕縣花開白似銀沈吟感歎日欲西為君  
酌酒田文墓

河間城外柳

長條垂似髮鬢拂馬眠衣總不堪昨夜月明搖漾處曾  
牽歸夢到江南

繡斧西巡歌為徐季良先生作

繡斧西巡不暫停猿啼宇怨蜀山青胡牀襍被蕭然去片



石留爲劍閣銘

清時指佞豈途窮  
眊筆看他御史驄  
莫道一鳴都斥去  
能言鸚鵡在雕籠

除夕

隕霜猶未殺管蕭  
約畧年光轉次遼  
低亞梅花先索笑  
欠伸楊柳欲舒腰  
冰侵綈几書籤冷  
衣覆香篝侍女驕  
煨芋焚枯吾事足  
莫將風雪壓寒宵

入朝有作呈詞館諸公

朝朝待漏侍金輿  
往往衝寒對玉除  
每向候人分宿火  
却隨堂吏憇周廬  
長鳴共苦籠鷄早  
夾立爭看仗馬如  
傳語詞垣數君子  
冰銜三字不堪書

送兵部董侍郎漢儒總督宣大

幽并兩道建牙中  
列帳蕭然靜朔風  
千隊市場來種馬  
百年御幄護槐龍  
軍前揮扇油幢碧  
閣裏傳籤畫燭紅  
挿漢一山屏障外  
更煩前箸策遼東

西山道中

上陵何美得幽期  
夢裏西山慰我思  
泉石雨枯惟有骨  
鶯花春老尚無姿  
歸鴉禁鑰愁偏急  
羸馬斜陽喜並遲  
來往鵷鴻紛接武  
祗應倦羽獨差池

碧雲寺

丹青臺殿起層層  
玉碣雕闌取次登  
禁近恩波蒙葬地  
內家香火傍禪燈  
西山諸寺皆司禮  
大奄葬地香火院  
豐碑巨刻書元宰  
諸奄碑板皆館  
閣大老之文  
碧海紅塵問老僧  
禮罷空王三太息  
自穿蘿徑拄孤藤

香山寺

千峰匝匝更分明，磴復岡迴一徑清。  
天遠夕陽連海色，山空晚院聚鐘聲。  
雲從石磴中間出，月向香臺下界生。  
萬疊煙巒檻外不知何處與身平。

寄東江毛總戎

文龍

涉務不

鴨綠江頭建鼓旂，間關百戰壯軍威。  
青天自許孤忠在，赤手親擒叛將歸。  
夜靜舉烽連鹿島，月明傳箭過鼉磯。  
紛紛肉食皆臣子，絕域看君卧鐵衣。

春日過易水

驅車信宿驛程間，雙髻蕭騷春又還。  
易水到來偏易感，酒人別去更相關。  
暮雲宮闕愁心繞，落日衣冠古道閑。  
老大不堪論劍術，要離墳畔有青山。

甲子秋北上渡淮寄里中游好

少壯真非把翫時，後遊今已歎衰遲。  
逃禪定入遠公社，乞食還過漂母祠。  
悶對秋鷹藏老手，閒臨春鏡簡新絲。  
天涯我亦憐同病，落日蒼涼有所思。

世事閑來細忖量，不如高卧味差長。  
盾矛互陷多奇疾，食宿相兼乏好方。  
細雨秋蠅尋舊冊，微風春燕試新粧。  
故人別後應憐我，頭白關山一夜霜。

雨中過清流關

雨氣微茫積翠分，旋粧行路景氤氳。  
僧攜箬笠穿紅樹，人坐藍輿度白雲。  
古澗墮樵衝水下，空林落葉隔溪聞。  
鄉心不耐關山笛，又聽鐘聲報夕曛。

歸田詩集

起天啓五年乙丑盡七年丁卯

南歸感事



破帽青衫出禁城，主恩容易許歸耕。赴朝龍尾還如夢，穩  
卧牛衣得此生。門外天涯遷客路，橋邊風雪蹇驢情。漢家  
中葉方全盛，五噫何勞歎不平。

齊物粗知蒙邑書，詎應戴笠羨乘車。敝冠何意彈新沐，脫  
髮誰知戀曉梳。身隱不須言放逐，時清未可廢樵漁。耦耕  
舊有高人約，帶月相看竝荷鋤。謂程孟陽也

單舸衝風滯楚州，淮陰南下又無舟。誰人解唱公無渡，對  
此真令我欲愁。墨浪黏天排宋鷁，赤雲夾日炙吳牛。頻年  
跨下橋邊水，照我勞勞已白頭。

幾番江頭問渡時，即今真箇是歸期。夕陽京口橫漁艇，細  
雨新豐颺酒旗。林鳥自應欣宿早，山雲尚恐笑歸遲。素衣  
莫歎緇塵化，短髮依然舊髣絲。

渡淮聞何三季穆之訃

今年罷官歸太歲，在乙丑端陽發潞河。盛夏過界首家僮  
遠來迎，衝炎送糧糗。山妻書一紙，頗問平安否。紙尾一二  
行，欹斜字難剖。似言旬月間，失我平生友。摩挲以爲無，瞪  
視良復有。熨眼添昏花，撞胸類杵臼。呼童細問之，老淚迸  
如瀏。吾友生東海，松柏出培塿。少小凌華行，長成蹙儕偶。  
譬如看著面，又若冠戴首。江山胸鬱盤，龍蛇筆螭蟻。讀書  
富等身，賦詩捷叉手。心耻章句蠹，目笑儒生鯁。讀史竄豕  
魚，注經理科斗。犖卓故不羣，經濟雅自負。貫穿貴與前，畋  
漁漁仲後。大事窺掌故，小物識雜糅。制度令甲乙，職官志  
誰某。東南水溝洫，西北旱田畝。食貨紛權鹽，河渠費堰帚。  
徃徃窮原本，一一貫樞紐。尤諳將相畧，能發功利鄙嫌疑。



決毫釐支離削駢拇世事伊涕唾流俗喪械杻求志良已  
奢用我挾以走煌煌著作庭濟濟俊乂藪引君著其間夫  
亦何忸怩四十誤儒冠變奇不成偶揣摩雙髻絲射策寸  
心嘔面頰委塵土文章付矇眛轉喉已觸諱鞠躬亦蒙咎  
雉羅罹無時雀角獄再拮蜀犬爭自吠晉葵或有嗾惇惇  
孤憤盈戚戚憂生久一從吾黨游磁鐵永相取雜誦然宿  
火清言酌白酒寒燈吐殘花春盤薦新韭夜雨泊小舟明  
星坐高阜陶陶移日夜忽忽過邠酉石渠滋同異堅城互  
攻守史家訂朱墨文苑薙稂莠破愁仗酒兵白戰啟辯牖  
角逐急追逋歡喜快爬垢拍案豈好辨絕倒呼善誘屏風  
僵倦僕鄰墻起睡叟伊予苦顛蒙乘馬不知牡以友爲鞭  
策頻年賴擊扣傲兀喜見君敝衣不掩肘長風起青蘋高

霜肅蒲柳摧頽塌翼時使我氣亦陡辨博開心蒙堅彊剝  
顏厚直諒而多聞夫誰出君右去年京江別臨分出苦口  
自言星星髮不紆若若綬室無伶玄妾家有馮衍婦功名  
今已矣歸與老釜覆明發易前期豈謂訣尊鹵宦海多喧  
逐世運值陽九戛戛上竿魚蒙蒙喪家狗尚期與親串笑  
談共蔬菽斯人今不存有酒誰鼓缶俯仰一淒斷哀歌向  
南斗嗟君不遇時被褐泣瓊玖習習鳥觸籠圍魚在笱  
視天信夢夢閔人實恻恻云何信宿間鬼伯坐相趣盛年  
顧日影壯志蔽墻聊巫陽逝不招靈鑠邈難叩高高不可  
論耿耿何時朽意者視不含無乃樞或吼強苑能爲厲前  
志豈云苟聞君病彌留危坐視栲料清明飭衣中暇豫戒  
朋舊室家本逆旅兒女同齧齧逝將歸樂土相與宿春



從茲離怨親况乃念謨詬衰嚴辦早發夜盡罷干振快若  
辭穿絡行矣脫繩糾知幻剖膠革觀空向瓶甌報盡期種  
蓮瞋忘豈入蕩荆凡無喪存彭殤何天壽是夢本非真一  
覺了不受哀哉蠅蚋羣競此穉貉亦死已醒吟嚙生猶歎  
于喁斯言吾亦贅君其笑窶窶

蛺蝶詞

一庭花霧晝冥濛蛺蝶雙飛逐好風依約黃簾還繡幕可  
曾飛過宋家東

小院迴廊日漸西雙雙戲影共萋迷春風自愛閒花草蛺  
蝶何曾揀樹棲

小至夜翁孝先兄弟挈舟相邀與冠白泥飲

銀燭何煩照艷粧十看端合坐生光白頭未可妨歡笑紅

粉猶能怨酒狂桃葉話殘人似夢鶯歌聞罷夜還霜明朝  
發興拚泥飲莫放愁隨一線長

蠟棋

羅浮曾見夢中身髣髴新粧改翅塵雀啣乍驚三月露蜂  
歸暗簇十分春染成宮樣宜金屋剪出花房惱玉真寂寂  
銅瓶愁對汝扣門還憶縞衣人

丙寅除夕

寂寂田家老瓦盆歲時兒女共寒溫流年已賤如過客窮  
鬼頻除尚歛門夜靜曙光凝竹柏窗虛雪色泛琴尊殘燈  
側畔冠巾影心跡憑誰子細論

上元夜點燈與家人小飲

小闌曲幙自周遮讌賞依然盡室譁羅袖參差迎畫燭玉



欽旋折避銀花燈如宿鳥枝相亞人似遊魚影互加聞道  
六街俱寂寞憑將一笑慰年華

十六日雨中邀徐于諸人看燈口占代簡

曲闌陰靄意萋迷發興邀賓走尺蹠已剩宿雲遮繡幙更  
添微雨作香泥花間沾溼春衣好屋裏回旋舞袖低著屐  
賞燈君莫笑風光正在小樓西

次韻徐大于王別後有憶之作

月午花深底樣愁更堪淚眼送歸舟他年結子空悲杜前  
度看花尚憶劉人可意時無那死物牽情處信知尤柳絲  
不斷西陵夢挂紙知君到秀州

藕小墓在秀州徐有故伎  
歲上其墓亦在秀州道中

萬斛風帆不載愁多情一別類沉舟生憎燕子辭王謝錯  
怨桃花賺阮劉人為風懷偏易老天因離恨也多尤君看

東海還清淺或有神芝出祖州

柳絮詞為徐于作

唱斷蘇臺楊柳枝春愁如線又如絲古歌舊恨君休記聽  
取新翻柳絮辭

送郎莫唱楊柳枝生憎一簇更干絲柳枝只解綰離別柳  
絮隨郎無盡期

白於花色軟於絲不是東風不放顛郎似春泥儂似絮任  
他吹著也相連

亂點新粧拂畫眉玉樓春盡倚闌時隨風乍可沾泥死莫  
作浮萍逐水移

寒食後雨不止書示鄰里

甲子冥冥雨接旬愁霖高揖轉傷神今年寒食真無火何



處煙花別有春呼婦鳩還勤過我竊胎雀亦窘如人自慙  
及物非吾事早餉鄰翁有束薪

贈陸墓邵叟是僧彌之父

蓬蒿三徑少追扳中有高人善閉關忙為市南行藥去閒  
從城北討春還齋時婦料供僧米畫裏兒皴過雨山寄語  
道旁名利客青門原只在人間

登茅山

一入華陽隔世氛天壇真擬見茅君溪田黯黯流殘月樓  
觀葱蘢駐曉雲谷口樵歸纔出日洞中棊罷又斜曛白頭  
未了人間事慙愧曾探七誥文

九日得徐于詩却寄

今辰掩戶復停觴總為登高易斷腸四海知予惟兩鬢三

此三の乃久未同結事  
多沈美の字高久

年與爾共重陽黃花笑容應無數白雁愁人又一行同病  
更憐同賞在解捐黃酒助茶香

較然九日與陸羽賞茶詩  
俗人泛黃酒誰解助茶香

徐大于王枉詩見賀奉答

彈冠何敢附清流擊壤欣為野老儔屈指浮名真泛泛驚  
心噩夢尚悠悠朝家求舊存芻狗人世更新學土牛見說  
臯夔滿臺閣祇應留我作巢由

丁卯十月書事

道塗好語沸兒童扶杖謹呼我亦同斗柄已聞歸聖主冰  
山何事倚羣公阿璫總曳尚書履頌殿還乘御史驄勇退  
史應書阿母拜章先出掖庭中

秋窗晴影日遲遲午夢初醒黍罷炊獨對空枰嘗斂手每  
臨殘局更談碁霜清狡兔爭營窟月白驚烏盡揀枝一著



雖低差較穩且依旁角守茅茨  
黃門北寺獄頻仍錄牒刊章取次徵死後故應來大鳥生  
時豈合點青蠅蒼茫野哭憂邦國寂寞居家念友朋痛定  
不堪重拭淚清齋勤禮佛前燈

崇禎詩集

起元年戊辰  
盡九年丙子

正月十四日與邵僧彌看棋西山繇橫塘抵光福

放舟出橫塘喜與煙郭遠遠景宜日斜清遊取春淺嫩柳  
綠未舒寒條翠將展近水樹乍明遙峯月漸顯同舟得佳  
侶靜好有餘善行看煙巒紆坐愛溪橋轉約畧雲樹間西  
山累甌甌山容如高人作意任偃蹇我生在塵網鹿鹿苦  
未反明朝山中雲倘笑歸來晚再拜萬樹棋爲我滌顏醜  
夜步虎溪橋

信步尋溪橋邨犬吠林杪月色淡自佳山行誤亦好暮峯  
歛餘黛早棹散輕縞定知今宵夢空濛入幽討

十七日早晴過熨斗柄登茶山歷西磧彈山銅坑還

憇衆香庵

吳山環西南其山秀而嶧鬱盤起玄墓迤連屬西磧梅花  
生其中居然好宮宅譬彼冰雪姿綽約處姑射回環具區  
水黏天浸寒碧空濛滋霜根浩渺蕩月魄湖山畜氣韻煙  
雲發芳澤所以西山棹迫出凡棹格我來早春時發興蠟  
雙屐探竒忘晴雨尋花越阡陌茫茫梅花海上花霧積  
不知何處香但見四山白藍輿度花杪登頓旋已易恍惚  
如夢境愕眙眩遊跡縱覽乘朝暎留連坐日夕殘陽挂煙  
樹橫斜如初月清遊難省記勝情易追惜還恐梅花神芒



芒笑逋客

眾香庵贈自休長老

略徇緣溪一徑分，千林香雪照斜曛。道人不作尋花夢，只道漫山是白雲。

西山看棋歸舟即事示僧彌

廿年遊跡半萋迷，老去逢君又杖藜。芳草路當春雨後，梅花村在眾山西。茶山煙雨荒新築，長蘅欲結庵銅井莓苔沒

舊題余與龔洞孟何季穆偕遊銅坑題名絕壁廿二年矣更憶盤螭桃萬樹，人間何限武陵

溪盤螭桃花最盛今無復存

千村煙靄蔽芳叢，流水踈籬有徑通。花霧陰中晴日變，湖山斷處白雲烘。低迷楊柳差新綠，點綴櫻桃記小紅。安得松圓老居士，墊巾同過虎橋東。

三年噩夢已成沙，又向東君感物華。獻歲雪消遲柳色，試燈風雨妬梅花。曾賒酒券書千卷，儘放漁舟水一涯。眼底仙源在人世，春深隨處有桑麻。

虎山橋畔好溪山，聚塢銅坑取次扳。屐齒衝將新雨去，杖頭攜得老樵還。青山對酒知誰在，白髮尋春讓我閒。自此柴荆多晝閉，遲君花下或開關。

依韻徐于喜見

月昏雲薄闇思量，別緒參差有底長。啼樹烏闌仍宛轉，穿花蝶老故輕狂。重支秋枕溫殘夢，更拂春眉理斷腸。綰盡柳絲還柳絮，東風只合為君忙。徐前後贈妓有柳絲柳絮詞各數首

花朝魏仲雪徐于王諸人宴集賦詩用花朝二字排韻，余閉關不得與仲雪在詩見示依韻奉和兼柬



于王

不分春光取次奢。小闌側畔想芳華。晴煙籠柳村村雨。暖日熏桃樹樹霞。舊社房櫳看到燕。新粧簾幙記回車。憑君傳語東風道。莫放花期過棟花。

遨頭婪尾羨招邀。可惜關門負此宵。垂白心情餘我在。踏青風物任君描。春將好遍垂垂去。花旋開齊續續飄。準擬諸公作寒食。莫欺老子似今朝。

春雨

小閣疎簾香篆遲。冥冥春曉似昏時。揩摩老眼看如霧。撥觸愁腸散作絲。淺綠樹滋鶯不覺。小紅花濕蝶還知。輕簑麗殺垂楊畔。閒殺江頭老釣師。

春晴

暮霞新爛午陰收。儘放春光在陌頭。意愜好風吹綠醕。眼明初日照紅樓。青天宿霧看誰掃。白晝遊絲颺不愁。爲報園林鶯燕道。呼晴逐雨莫憑鳩。

三月三日泛舟即事十二韻

風光雨又晴。上巳更清明。節候今年異。遨遊此日并。煙嵐開水國。雲錦蔽山城。岸綠攀還折。堤青踏欲平。執蘭修故事。插柳惜芳情。新火紅粧出。香塵翠袖生。就花拈舞蝶。揀樹聽啼鶯。汭沂移舟緩。盤回去馬爭。歡娛窮日夕。燕賞及時清。醉眼牽花影。歸心帶鳥聲。酒依金谷數。詩擬麗人行。禊畢還相賀。春衫試體輕。

應召赴闕車中言懷

三年嚴譴望修門。隨例趨朝又北轅。聖代故應無棄物。孤

此種奇  
起句奇  
妙



臣猶有未招魂夕陽亭下人還過端禮門前石尚蹲重向西風揮老淚餘生何以答殊恩

已辦腰鑱學耦耕悠悠真悔逐人行長吟頗惜齊三士撫卷誰知魯二生白馬清流傷往事南箕北斗媿虛名巢由至竟非無謂堅坐深山謝聖明

寥廓高天一冥鴻肯隨烏鳥問雌雄紛紛豈止容卿輩碌碌何須笑乃公赤汗馬應空冀北白頭豕自媿遼東郊原無限停車思落日披襟得遠風

淋鈴夜雨漏初長夢入江南櫻筍鄉重碧樹深春燕語小紅花發臘醅香聞簫月下移歌舫度曲風前近笛床秋夢也如春夢短郵亭塵土正茫茫

客路無風沙自驚飛鴻沒處暮雲平山低落日坡陀影岸

瘠征車軋轆聲村埃雨穿如土偶林魍月薄傍人行征塵滿眼君休笑剩有清流可濯纓

三年遷客意蹉跎芳草天涯路又過滕縣樹邊朝雨細嶧山雲下夕陽多心如乳燕初辭社身似飛蓬乍轉科苦憶淮南舊叢桂秋風爲我發山阿

十一月六日召對旋革職待罪感恩述事

秘殿風高白日陰天階雲物晝沉沉裂麻未是廷臣意枚卜空煩聖主心宸翰星回官燭影禁庭雷殷屬車音孤臣却立彤墀內咫尺君門淚滿襟

綦局方闌睡正濃白身仍作舊吳儂狂奴本自輕侯霸殘客何煩對敬容京洛緇塵看素髮御溝流水見孤蹤頻年放逐緣何事縱欲干時興已慵







十三日立春

迎春春在鳳池頭，簇仗衣冠進土牛。  
鋪展煙光來紫陌，追隨笑語到紅樓。  
林鶯口噤思宮樹，官柳眉舒向御溝。  
獨有城南羈旅客，與春無分又添愁。

覓春

春明門外亦長安，不省陽春到此難。  
朔氣逡巡辭弱柳，光風瑟縮避崇蘭。  
西山翠比愁眉鎖，上苑紅如粉本看狼藉。  
江南春色早訖春歸去，莫教殘。

寒食

客舍蕭蕭寄病身，落花寂寂度佳晨。  
忽聞寒食為今日，始覺風光已暮春。  
名酒盡難禁獨夜，好鶯啼不趁愁人。  
吾生從道渾如夢，是夢何須太苦辛。

寒食後一日作

寒食淒涼作不成，春光取次又清明。  
孤臣氣味愁鑽火，故國心情記賣錫。  
苦恨落花隨柳絮，謾勞啼鴉替鶯聲。  
東風誰唱吳娘曲，暮雨蕭蕭闇禁城。

無花

客裏無花獨倚樓，討春無計恨悠悠。  
無花亦有便空處，省却花飛一段愁。

王元之自翰林謫官賦廣陵僧舍芍藥有感傷綸閣  
多情客之語余屏居寂寞戚里以芍藥見遺誦元  
之詩適對此花感而繼作

盤籠紅藥出天家，寂寞銅瓶幾朶花。  
承印有誰揜翠袖，當風還自怯黃沙。  
紅芳照眼驚春盡，金縷緣頭惱鬢華。  
五味



為君思齊和敢將零落怨天涯

五侯簾幙競萎蕤驛騎殷勤寄贈時夜燭去辭紅豔隊春風來乞曉粧詩雕闌墮珥辜新賞金屋餘香認舊枝莫怪宮袍長放逐君王不要賞花辭

閏四月廿三日夢中作

柔桑覆籠綠毵毵密雨溫風正養蠶門外銜泥春燕語櫻桃消息到江南

潞河舟中夜坐答茅止生見贈

浪湧波喧絮語聞燭花無燄夜初分奕棋國手誰論我杯酒英雄敢竝君牛馬旋迷新漲水魚龍還感舊噓雲他時重聽西窗雨記取孤舟潞水濱

中條行

君不見中條山陽城昔日曾閉關白衣徵起作諫議脫屣就職無慙顏月俸計口送酒媪諫紙疊置空箱間歌呼痛飲夜達旦醉卧客懷不得還貞元姦佞不可當白麻旦夕宣朝堂忠臣延頸待誅僇宰相懾伏眠如羊中條山人起伏閣延英門上飛風霜諫官叫天爭喧逐金吾萬歲聲如雷延齡不相陸贄免奮臂坐使唐天回乃知醕酖不言有深意務欲撥棄細碎爭崔嵬我過中條山念君如夙昔君名長比條山雲君心尚似條山石一代相知李鄴侯千年涕淚避賢驛微之陽城驛詩我願避公諱名為避賢郵思君不見可奈何醉君一盞歌主客君不見長安碁局日紛紛著眼爭如局外人若無衡嶽爐邊客誰向中條訪隱淪李泌為相舉城為諫議大夫

七夕

月帳星橋雲髻鬟經年怨別淚潛潛憑君莫道天河濶只在盈盈一水間

牽牛求配苦蹉跎織女機絲患巧多烏鵲可憐無一事頭

童尾秃為填河

屬章給諫房侍御請公為余牽連謫官者

### 舟行

南浦思勞勞陂塘秋漸高旅人逢古渡落葉下亭臯世事

悲純扇機心笑桔槔潞河千折水極目不容刀

斷岸蘆抽白斜陽蓼褪紅舟行秋色裏人在水聲中掠燕

經殘雨吟蟬趣晚風陰蟲休切切已是白頭翁

### 舟發迦溝

舟子招招發棹歌新秋佳日似清和浪花聚處團雲影荇葉開時剪水波掠燕當風成曲折驚魚沒藻起盤渦濯纓

自與清淮約不用臨流歎濁河

### 卧起

卧起蕭然雲水鄉閑看日蔭弄朱黃窗楞白紙縈香篆簾影清流潑硯光木葉波還生近渚漁歌風欲起斜陽不須更作滄江夢淺水蘆花興已長

### 過淮上

漂母祠堂落照邊城南垂釣故應然君看市上紛紛者何限淮陰舊少年

烏盡弓藏事惘然英雄終不受人憐生平胯下能蒲伏只是羞隨噲等肩

### 讀史

班史才縑又短長閒鑽故紙費商量死人豈必無生術今



病何曾乏古方種漆樊侯知備豫解弦董子會更張空齋  
白日聊成夢一笑依然看屋梁

夏日偕朱子暇憇耦耕堂次子暇訪孟陽韻

面湖軒敞背山深小築依然是故林清簟看棋方丈客夜  
燈聽雨十年心遺民老似孤花在陳跡閑隨舊燕尋擬著  
此中棲逸史遠從虞仲到於今

艱危閱盡想方袍收拾殘生避豕毫一酌春醪營我老干  
章夏木為君高圖山墨漫西湖雨煮水茶生北澗濤稍待  
秋風到蘆荻共尋蟹舍上漁舫

澹景芳陰楫雨時過雲相訪少人知紅稀舊圃羣蜂去青  
暗重林碩果垂澗底流泉穿石急松間明月出林遲他年  
終作三休侶乘興先為結隱期

贈張五叔維

幾枝檉柳半牀塵門外青山過雨新送米僧來常共食乞  
花客至已忘貧屋如韓愈詩中句身是王維畫裏人一曲  
洞簫拚盡醉桐華滿地月如銀

八月十二夜

憑欄風露浩難收旋覺清光在上頭橫覽煙嵐成小築平  
臨雲物見高秋時秋水閣初成與孟陽緣梯登眺月穿窈窕山皆漏湖逗空明  
野欲流尊酒相看多遠思蘆花如雪記滄州余去年過滄州有懷孟陽詩

十七日雨中小酌即事

稻花風急浪花催湖外重陰積不開好客恰如將雨至清  
歌直欲送愁來雲霾月窟千層合日射山根一颭回棊罷  
燈殘北窗下秋蟲多處重徘徊

美言公士此詩深



過李長蘅為吳生畫溪山秋靄圖

吳生遇盜事亦奇。襖被囊琴暮雨時。向盜乞畫真癡絕。盜亦欣然還擲之。此畫經營良不苟。老樹槎牙怪石走。豪奪巧取或可慮。豈意魯弓還盜手。今年逢君書畫船。收藏欲散宣和編。展玩竟日頭目暈。更撫此卷心茫然。水墨淋漓如欲語。眼中斯人定何許。畫裏還看漠漠雲。燈前自聽瀟瀟雨。詩腸淚眼半焦枯。短歌偈塞堪盧胡。憑君更屬松圓老。為寫江干乞畫圖。

徐子王輓詞

夢雨庵中幾夜分。綠尊絳蠟共知聞。海棠小院春深雨。楊柳新詞日暮雲。貧病不愁添白髮。彌留猶悵別紅裙。與君花下多遊跡。但遇花時便哭君。

箱篋蕭然屏當時。為君閒理舊蛛絲。蟲魚想像旁行字。香粉凋殘豔體詩。廢圃蜻蜒栖菜甲。空廊蝙蝠撲花枝。秋來無限傷心處。鄰笛斜陽又一吹。

庚午除夕

次孟陽山中詩韻

除夜蕭條風雨晨。庭萱侵雪旋生春。爆殘竹似蕉園稿。

廟實錄告成故事實錄成。焚稿於太液池之蕉園。符換桃仍葺戶神。不用署門辭客過也。

須謝灶請比鄰。山中喜有林逋在。自與梅花作主人。

感秋

辛未立秋日

扁舟約略路河東。去國孤舟似斷篷。已是三年成昨夢。漫餘雙鬢待秋風。燈前波浪中宵雨。簾外榮枯半樹桐。自恨無才方宋玉。不將搖落怨天公。

元日



元日幽居一事無雀羅寂寂到朝晡人教老却衡門裏天  
爲粧成卧雪圖時事總憑新燕子世情只笑舊桃符停雲  
八表知何意且坐東軒進一壺

人日得張藐姑刑侍書却寄

書閣摩挲嗅古香水消硯北逗春光蕭條歲序逢人日迢  
遞音書到草堂天井烽煙新壁壘玉關魂夢舊風霜天涯  
相望供頭白各對梅花說斷腸

新安汪烈婦歌

君死妾亦死君往泉臺盍相俟君死妾暫存數日送君歸  
墓門君身已葬君有息妾下從君乃其職七日不食我何  
求區區寸心庶不食世間男子一種饑餓腸紛紛籍籍食  
粟如蟲蝗豈如汪家新婦不食死千年梁黍堆廩倉吁嗟

乎首陽之風今已矣宋家枋得亦如此

仲夏觀劇歡讌浹月戲題長句呈同席許宮允諸公

桐花風軟燕泥新一月歌場疊幾旬小戶權爲衝酒客大  
家挨做別花人追陪歡讌應賒老驅使風光莫較貧處處  
典衣鋪妓席知誰相笑又誰嗔

選勝偏宜朱夏長追歡更覺白頭忙熟棋雨帶三分酒眠  
柳風吹一國狂飲劇好更新幟燾曲喧休紊舊宮商叫叻  
莫謾嘲長夜日月何妨在醉鄉

衆中歌笑自言殊冉冉風光溢步趨點拍更誰傳滿子歸  
來但坐看羅敷青袍便擬休官在紅粉還能入道無筵散  
酒醒成一笑鬢絲禪榻正疎蕪

石田翁畫溪川八景圖歌



吾祖舊題奚川景石翁為作奚川圖廣陵封君好事者金陵購得歸於吾措摩老眼細瞪視夜枕不寐朝忘舖恍惚移身入畫裏故園喬木風景殊先從江村見小市誅茅蓋瓦互架鋪洞庭蝦菜朝走集新豐鷄犬暮識塗楊柳微風颺酒幟杏花小雨提村沽市旁石橋枕江卧紅欄綠浪臨交衢青箬裹鹽來浦淑綠荷包飯歸菰蘆丞徒欣欣如有喜倘免厲涉羣歡呼茅屋滄洲自映帶書聲漁唱相縈紆江流無聲清夜永有人引書仍挈壺蟹舍中間訪隱逸牛欄西畔尋生徒原陞陂陀似山麓行人不于通樵蘇千回萬抱風氣密中有兆域開青烏帝鄉白雲封宰樹長江落日懸龜趺流泉夕陽昔相度江流地勢原相扶柳溪竹里間阡陌築室穿池連路隅竹溪堂高日清閱琴劍彝鼎羅

黻紙窗攤書宿燈火石鼎聯句皆笙竽堂中高咏者誰子得非草窗東谷無草窗劉公溥東谷湯公龍續此圖盤礴非草草想見閣筆還操觚有竹莊中好寶主有竹居石田翁所居也寒冰栗玉清眉鬚攜畫歸來水月舫兄弟賞鑒頻歎吁收藏豈乏牙籤插愛惜寧將寒具汙清平之世忠孝家有此識字耕田夫吾祖風流良可繼子孫不耕且讀何其愚嗚呼不耕且讀何其愚

再題奚川八景畫卷

榮木樓頭風日美秋光滿簷鵲聲喜百年畫卷今來歸水墨清妍照棊几焚香洗爵告家廟挿架懸籤壑圖史楚弓人得豈其然魯玉盜歸安足擬晴窗簾閣重摩挲吾廬宛在奚川涘吾家先世事耕讀風光盡入此圖裏白雲圍合藏松楸喬木叢攢識桑梓宅畔新成百步橋墳旁手闢干



家市良田廣宅互經營。水垞江村正邈迤。竹溪堂前竹萬  
箇。柳溪溪邊柳三起。柳陰靄靄連枌榆。竹箭森森勝爽李。  
連畛拒陌都種瓜。樊圃編籬不用枳。野店春風魚菜來。長  
江落日帆檣止。漁唱悠悠蘆渚間。書聲琅琅茅屋底。犢背  
或看書挂角。庭前時見麥流水。秋依月令戒登穀。春按鹵  
風勸于耜。輪租不憂磬鼓煩。種秫每詫罌缸侈。綠樹長維  
書畫船。青門頻倒逢迎屐。高人談經日異糧。好客哦詩夜  
同被。草窗先友竝崢嶸。竹屋遺詩尚綺靡。承平王孫人共  
羨。文采風流更誰氏。自從後世占科第。舊業依然枕江圯。  
嗟余刺促懼世網。白首孤生繫馱几。二頃負郭苦失計。三  
間老屋知誰是。故園門巷長蓬蒿。西風罷亞生荆杞。慵惰  
有如僧退院。漂泊有如舟未艤。布衣躬耕諒非晚。閉門種

菜真窮矣。垂老重看石田畫。三歎先疇在故紙。奚川流水  
想莖源。竹溪亭館思竹里。謝公述德吾豈敢。右軍誓墓徒  
爲爾。已分殘年老襤褸。更囑添丁克耘耔。往不可諫來可  
追。矢詩聊以貽孫子。

答越卓凡副憲

中山篋裏謗書新。博得沙場百戰身。天以垂成留劇賊。帝  
將不死答勞臣。衣淡赭色橫戈久。筆退銛鋒草檄頻。我欲  
爲君歌督護。夜闌酌酒向鈞陳。

陸宣公墓道行

延英重門晝不開。白麻黃閣飛塵埃。中條山人叫閭哭。金  
吾老將聲如雷。蘓州宰相忠州死。天道寧論乃如此。十年  
遺櫬歸不歸。兩地孤墳竟誰是。人言藁葬留忠州。又云徵



還返故丘。圖經聚訟。故老闕。爭此朽骨如天球。齊女門前  
六里路。蕎麥茫茫少封樹。下馬猶尋董相陵。飛鳧孰辨孫  
王墓。青草黃茅萬死鄉。蠅頭細字寫巾箱。起草尚傳哀痛  
詔。閉門自驗活人方。永貞求舊空黃土。元祐青編照千古。  
人生忠佞看到頭。至今延齡在何許。君不見華山山下草  
如熏。石闕豐碑野火焚。樵夫踞坐行人唾。傳是崖州丁相  
墳。

丙子仲春茂苑相公謝政。遙歸招邀。讌賞余與其仲  
啓美張異度徐九一劉漁仲追陪。信宿遊虎丘支  
硯諸山記事

謝公高興寄東山。遲日招邀共賜閒。問壑尋丘塵世外。巾  
車蠟屐畫圖間。風寒乍勒回春候。雲潤俄經作雨還。最喜

林淡無虎豹。夕春猶許歷孱顏。

岡複溪迴一徑穿。招提樓閣暮雲邊。山腰正值諸峯缺。寺

面平鋪萬頃煙。爲問把茅尋石室。莫因滌井歎寒泉。茂苑與  
蒼雪法

師有結  
茅之約道人縱鶴今何處。且放雙眸向碧天。

卅年遊跡華山寺。矍圃觀人盡可憐。失馬因緣雙鬢外。亡

羊歧路一燈前。青松旋覺龍鱗長。白石還驚鳥道連。昏黑

籃輿重回首。藤蘿新挂近諸天。自遊花山寺二十許人惟茂  
苑昆弟異度及余四人在

雲間張老工於累石許。移家相依賦此招之。

百歲平分五十春。四朝閱歷太平身。長纜短屐全家具。綠  
水紅樓半主人。荷杖有兒扶薄醉。縛船無鬼笑長貧。山中  
酒伴更相賀。花發應添愛酒鄰。

桑林詩集

起崇禎十年丁五  
月盡閏四月



過清江浦遙寄故人

跨下橋邊又此行。赭衣白髮可憐生。班荆却喜無人問。刻木祇愁有吏迎。惜別飛花憎岸草。相留語燕笑林鶯。多情依舊長淮水。流入清江伴艣聲。

漂母祠

韓侯釣水遠城垣。青史猶垂進食言。人以千金知老母。天將一飯試王孫。孤生書劍霑新淚。逐客簪纓感昔恩。欲薦渚蘋何限恨。寒鴉落日滿祠門。

郟城

柳店無籌殺五更。棧驢齧齒暗相驚。蓬鬆旅髻料風色。滴瀝愁腸量雨聲。催舞荒鷄暗夜半。識途老馬盼晨明。雲開日轉非吾事。也要殘春一路晴。

費縣

費縣城邊紫翠重。恰憑登頓看山容。雲舒霧縠浮千嶂。雨濯煙綃出數峯。石瀨咽沙流淺淺。野花眠草吐茸茸。停車佇想東蒙客。欲討尊羹興已慵。  
闌珊心事怯餘春。殘夢驚回一欠伸。病樹不禁蛇在腹。野花終倚草為身。櫪中馬老空知道。爨下車勞枉作薪。當食為君三歎息。難將更僕話窮塵。

泗水

柳市縹煙麥起波。江南樂事趁清和。當風翠袖穿花竝。映水紅粧向晚多。燕識疏窗溫舊語。鶯憐別院選新歌。情知好夢成殘夢也。較車聲枕畔過。

春盡日次士龍韻



淒涼白髮黃塵裏。祖道東皇又一巡。暈碧裁紅成故事。落花中酒是前因。繇來好別長禁客。况復窮途更泥人。是我送春春送我。把君詩句問殘春。

柳枝

花信樓前風暗吹。紅闌橋外雨如絲。一枝顚顚無人見。肯與人間綰別離。

離別經年又隔年。搖青漾碧有誰憐。春來羞共東風語。背却桃花獨自眠。

楊葉楊花撩亂時。半隨殘夢半遊絲。可憐萬線千條在。但記征夫舊折枝。

代贈十六韻

別館新宮碧落連。星娥月姊自年年。錦章天上仍難報。機

石人間可浪傳。搗藥兔還尋好伴。入河蟾窟照孤眠。目成敢托波通語。意感祇憑枕作緣。臉際芙蓉長自媚。詩中芍藥倩他憐。欲知君面聊看鏡。但憶郎家便數錢。藥使歸身欣啞謎。鈎藏蓮子畏空拳。明粧不省宵來卸。好夢還將睡去圓。苦憶落花為我伴。生憎飛燕到誰邊。關情落索拋紅豆。使性迷離拆翠鈿。已分管絃陪謝傅。敢云條脫贈羊權。雉羹斟酌期加飯。烏爪爬搔不用鞭。緩唱淡杯供竹葉。斜行小字擘花箋。駐顏豈必餐雲母。煖老終當種玉田。報喜金針新露夕。懷人紈扇早涼天。秋衾也逐征夫遠。莫是君歸在妾先。

荷花辭

十里蓮涇接館娃。石城西畔是儂家。一枝占斷西湖種。曾



是西施舊采花

魚戲田田隔水知，荷花不語自低垂。  
團團碧葉遮如蓋，旋迸明珠打鴨兒。

露集枝條玉不分，如規碧葉動成紋。  
藕身到底終須折，一片冰心付與君。

早發雄縣次稼軒韻

竝著南冠亦偶然，何妨酌醴復烹鮮。  
孤花自綴三春後，病樹猶居萬木前。  
失路馬行枯麥裏，颺空塵起大車邊。  
戴盆莫怪頻瞻望，也是城南尺五天。

霖雨詩集

起丁丑五月盡一年

獄中與劉敬仲談江南風景因次其韻

漁灣蟹舍互黃緣，萬樹寒樛罨畫船。  
嫩綠放簷依候足，竊

紅出水受風偏，鈿車每惜飛花地。  
簾閣尤宜小雨天，夢斷江南好春事。  
與君獄底話神仙。

寒夜次劉敬仲韻

小窗蠟拉過歸鴉，凍口御寒陣不譁。  
悶取青編占木椽，閒梳白髮鬪霜華。  
差池梁燕恒辭社，落薄巢鳩不置家。  
漫道雪飛如柳絮，可隨離夢到天涯。

結蘭延佇自幽幽，解佩何當怨蹇修。  
騏驥生難逃係繫，鯨鯢死不爲吞鈎。  
人間有賦難名別，天上無方可寄愁。  
投老王官尋二士，築亭吾亦記休休。

不知何罪畫衣冠，肯信看於眼下安。  
路入藕絲行偏側，身藏針孔坐艱難。  
穴中烏鼠眠方穩，水底魚龍卧亦寒。  
祇恐清宵又成夢，幾回撫枕到更闌。



長安也向日邊看矮屋鷄棲仰面難窗雪可令長夜照壺  
冰豈爲一人寒蟣肝無復堪砧几魚尾何曾戀竹竿北叟  
南翁居接戶始知憂患果無端

渭南梁生爲余寫真題二絕句

憔悴南冠冰雪晨天庭黃色自生春憑君摹寫胥靡樣可  
是商家夢裏人

畫得漁翁貌不肥春愁鶴髮正依稀君家渭水南頭住爲  
我平添舊釣磯

登山五十韻

清晨上秦山下山未昏黑登覽興已賒驅車一何疾我行  
渡泗水望嶽心悚慄原野相却迎丘陵莽奔逸胡然類削  
成未見表律萃停車回馬額凝望似堂密岱勢自迴伏羣

山各離立傲倭矗數峯疊浪見沸淠偃蹇欲不朝顧盼疑  
旅揖低徊成暈眩登頓猶偏塞紆紉凌絕頂頰仰蕩胸臆  
天去山不多雲與地爲一衆山斯在下九點煙屑瑟鉅如  
牛眠冢細如蟻封埴散如狐綏綏聚如羊解解弭服象環  
衛奔走効羈繫傲倭雖兀傲沒踝不及膝乃知丈人尊兒  
孫敢匹敵登登四十里十八盤乃畢山容濯深秀石狀鬪  
詭特洞壑互排陷岡巒競迸逼穿地山根湧撐天石籟出  
層峯晉帶雲遠嶂堂蔽日大冶無不有神工故難詰琢爲  
研山姿縮放盆池質近松辨薺峙遙樹紛禾櫛戍削衣低  
昂翻反袖欹仄玲瓏月斧漏窈窕雲車匿屬連方帖妥颺  
去忽剖副濃淡尺寸變向背一曠失領要苦煩紆追逋恍  
迷惑何當信宿留攬采靈異悉坐看下垂雲布滿兜羅色



又看崇朝雨飛練挂千匹煙嵐扶烘染雲海搜蕩滴籠拙  
賦家心極命盡史筆逝將毀車輪豈獨戴臺笠茲遊借刻  
晷身世兩牽率每嗤秉燭忙自笑乞火急是時天大旱山  
枯石將泐渴遊既惺忪閔雨彌快悒元君盛香火盼蠻走  
郡國金錢佐軍儲羨餘私潤室神道亦乘除青帝遂失職  
雀鼠穿帷帳風雨剝韋鞞惜哉陰陽愆致此驕蹇極神心  
本天咫明禋在國恤魯童舞傴僂齊偶笑啞啞天門開詖  
蕩膚寸雲豈息熒熒蟣蝨臣獨為蒼生泣

試拈詩集

起十一年戊寅  
正月盡七月

### 華山廟碑歌

關中汲古有二士郭顛趙岫俱嗟我伊余南冠繫請室攤  
書畫卧如中魔郭生示我華山碑欲比七發捐沉痾展碑

撫卷忽起坐再三太息仍摩挲桓靈之際文頗盛六經刻  
石正謬譌開陽門外講堂畔車輛觀寫肩相摩鴻都學士  
競蟲鳥宣靈孝子羣鸛鷺石渠白虎事已遠皇義編成世  
則那此碑傳自延禧載石經未立先鐫磨丈人行可逼秦  
相一飯禮本先光和郭香香察未遑辨

蒞他人之書爾小歐陽  
以為郭香察所書非也

洪适云東漢循王莽之禁  
人無二名郭香察書者察

高下連巖差古來書佐擅筆妙後代學士徒口呿久嗟石  
跌毀聳負却喜紙本纏蛟蛇墨莊舊物落顛手如出周鼎  
獲晉犧身領童奴雜袞治手與心眼爭煩接靈偃細帙巧  
純緣史明牙籤細刮磋

惠靈偃史明  
郭氏童也

收藏定可壑鄴架鑒賞

况復窮虞戈我昔遣祭入太學肅拜石鼓拂白科依稀二  
百七十字維鱣貫桺存無多晴窗歸撫古則卷

家藏石鼓文  
是趙古則本



按節自誦昌黎歌去年登岱訪古蹟開元八分半鬻齋俗  
書刊落許公頌爛斑漫漶餘蠹蝸風霜兵火恣殘蝕此本  
疑有神護訶聖世文章就燼熄珠囊儒雅失網羅儻書不  
顧經若典破體寧論隸與蚪兔園村老議軒頡乳臭兒子  
評丘軻踏駁指日還見斗囂凌祀海還先河少小亦思畧  
識字沈淪俗學悲嗚唼况聞中原戰羣盜盜竊名字紛么  
麼搜金剔玉殫屋壁崩崖焚闕傾山河汲冢書門徧烽燧  
祈年岫嶮難經過每憐耆舊委榛莽誰集金谷凌坡陀郭  
顛連蹇趙叟死老夫頭白空嗟哦還碑梯几意恹恍髯乎  
髯乎奈爾何

吳德輿次東坡獄中寄子由韻作丁丑紀聞詩感而  
和之

憐汝乃尔下可也

刀頭劍首度冬春欲殺何當有百身信到憐君猶作客詩  
成知我尚為人經緡北斗襍妖祲歌闕南薰禮獄神如此  
繫臣無不可經年頌繫亦何因

餘年吟賞莫淒淒水閣玲瓏澗戶低茅屋每棲春社燕山  
村常報午時雞蓬頭豈必慙兒子染髮祗應媚小妻歸去  
臨風謝知己扁舟應在五湖西

倣元微之何處生春早

何處生春早春生美目中凝愁成淥水流笑與光風微盼  
防眉覺層波托鏡通不堪朱碧思含睇向芳叢  
何處生春早春生鬢輔中含嬌頻送態薄怒乍舒紅膩理  
傳蘭澤流光轉蕙風施朱與著粉評泊任牆東  
何處生春早春生新浴中煙凝靨柳碧雨注鬢桃紅脂澤

此校字仍仁錄以爲  
學安亦未測詩頗非婦  
其種乃也



流香暖鉛華。澣水融竊窺。猶未得。况復與君同。  
何處生春。早春生翠袖。中憑闌寒食。向却扇。杏花風掩抑。  
縈飛絮。低徊數落紅。遠山看未足。延佇盡廊東。  
何處生春。早春生寶鏡。中黛眉分鬪。翠花鬢。互呈紅。照罷。  
愁相妬。粧成訝許同。巡簷聽鵲喜。雲鬢欲新攏。  
何處生春。早春生畫舫。中花迎千嶂。碧柳。卷小橋。紅溪女。  
憐新霽。菱歌愛晚風。西施舊明月。偏照五湖東。

送劉宮諭若宰奉詔覲省

詔許詞臣覲北堂。桃花春水帶恩光。承歡每說天顏喜。愛  
日遙聽禁漏長。膝下錦袍供戲綵。手中色線補垂裳。六宮  
正懋珩璜訓。早晚肩輿內殿旁。

徐孃歌

徐孃二十絕代無。當場一曲干明珠。小妹鳳生恰二七。輕  
粧薄悅雙雙出。肩摩擔輦篙櫓橫。半塘水拂山堤平。清歌  
緩舞廣場寂。千人石上無人聲。風流徐郎字夢雨。一見魂  
消足不舉。油壁青驄竝載歸。連枝共命交相許。多情多病  
轉堪憐。最是清明寒食天。楊柳風前行藥坐。海棠樹下對  
花眠。相送却回凡幾度。暗別偷啼更無數。珍重丁寧囑歌  
扇。護惜頻煩寄窮袴。離筵我賦送春詩。更與新翻柳絮詞。  
津逮軒中低唱夜。初平石下踏歌時。徐郎笑嚔還相向。在  
旁惟爾曾知狀。長將皦日留誓盟。縱及黃泉肯相忘。豈知  
人世不相於。共命拋離連理虛。三秋一馬纏綿病。一紙蕭  
娘決絕書。小樓窗前齊女墓。婁江即是天河路。空餘白骨  
累秋衾。拌爲紅顏即朝露。淒涼此事十餘春。取次沈吟淚



滿中白楊荒草知何處。况復嬌花殢酒人。燕山糧艘高於屋。鶯捎燕乳樓船腹。將軍組練白羔。小婦榴棗紅簇簇。五日蒲榴正舉杯。有人玉帳寄聲來。一知河上凌波女。曾向江頭行雨回。殷勤慰問南冠客。髣髴新添幾莖白。聊搏肉黍祝團樂。更炙王餘勉餐食。白頭殘客重咨嗟。舊雨新愁恨似麻。已分歌殘吾谷樹。更堪哭損馬塍花。十年一夢如夙昔。往事如風豈堪摘。小鳳公然作阿婆。夢雨荒庵更第宅。我囚君嫁不爭多。瑁璫心情可奈何。禁城暮雨瀟瀟。夕還想吳娘一曲歌。

試拈詩集

起戊寅八月盡一年

汶上道中逢故人

衰林匹馬尚天涯。寂寞山城菊自花。逐客已非周太史。故

神水東坡

人猶是魯朱家。心如老鷓迎秋晚。身似賓鴻傍日斜。悽愴朱梁舊祠墓。汶陽田北看歸鴉。

十月朔日抵廣陵

隋苑荒臺葉不飛。竹西歌吹正依稀。流螢尚作蕪城夢。跨鶴真同華表歸。舊事月明空在眼。新愁水調欲沾衣。籬灣畔孤墳在。萬點寒鴉送落暉。故人顧所建墓在萊蕪灣

送蕭季公歸秦和

無計留君住。停杯且一歌。江湖鴻雁闊。天地甲兵多。歲晚孤舟別。寒空片帆過。遠行須吉日。期子慎風波。

除夕偕孟陽守歲時蕭伯玉僑居春暉園

歸來且喜共茅蓬。又餞流年爆竹中。繞屋松楸停早雪。綠堤飛李遲春風。煤憐分張衝寒別。燈惜團樂破曉紅。明日

名詞彙



還尋抱關叟

以蕭望之  
比伯玉

蹇驢應過小橋東

丙舍詩集

起十二年巳卯正月  
盡十三年庚辰二月

寄督漕張御史

漁陽遼海尚紛拏，粳稻東吳歲運賒。  
鐵甕雲帆連柝木，金堤春水泛莢花。  
過淮燕賞兼歌社，抵潞風光正及瓜。  
一石幾鍾憑奏報，忍令膏血等泥沙。

春夜聽歌贈秀姬

燭花偏趁舞，僂僂畫鼓銀箏揭。  
艷歌只有瓊瑜不解語，勾留紅袖似迴波。

蘭缸如晝夜，烏棲漏點歌聲簇。  
簇齊一曲未闌郎未醉，莫教明月過花西。

寄西蜀尹子求使君

簾閣熱香道氣和，雷琴晉帖手摩挲。  
詩依歲月偕蒼老，才與功名未折磨。  
秋水每將河伯笑，春風自度雪兒歌。  
輕紅重碧猶能賦，惆悵難隨鳥翼過。

移居詩集

起庚辰三月  
盡十月

冬日嘉興舟中戲示惠香

畫閣蘭橈取次同，蕩舟容與過垂虹。  
波如人面輕浮碧，日似殘粧旋褪紅。  
理曲近憐鶯脰水，弄花遙惜馬塍風。  
可憐平望亭前鳥，雙宿雙飛每一叢。

題南湖勺園

寒園竹樹正蕭蕭，几席南湖影動搖。  
有雨雲嵐渾欲長，無山翠靄不曾消。  
波深地角生朝氣，水落天根見暮潮。  
樓上何人看煙雨，為君杖策上溪橋。

瓜分記以李于鱗以瓜分  
雖美亦已過也



東山詩集

起庚辰十一月  
盡癸未十二月

河東君至止半野堂有長句之贈次韻奉答

文君放誕想流風  
臉際眉間訝許同  
枉自夢刀思燕婉  
還將搏土問鴻濛  
雪花文室何曾染  
折柳章臺也自雄  
但似王昌消息好  
履箱擎了便相從

寒夕文讌是日我聞室落成

清尊細雨不知愁  
鶴引遙空鳳下樓  
紅燭恍如花月夜  
綠窗還似木蘭舟  
曲中楊柳齊舒眼  
詩裏芙蓉亦竝頭

河東新賦竝頭詩今夕  
謀魂共誰語任他  
疎影蘸寒流

河東寒柳詞云待約個梅  
魂黃昏月淡與伊深  
憐低

上元夜泊舟虎丘西溪小飲沈僻甫齋中

西丘小築省喧闐  
微雪疎簾爐火前  
玉女共依方丈室  
金

牀仍見雨花天  
寒輕人面如春淺  
曲轉簫聲竝月圓  
明日吳城傳好事  
千門誰不避芳妍

有美一百韻晦日駕湖舟中作

有美生南國清芬翰墨傳  
河東論氏族天上問星躔  
漢殿三眠貴吳宮萬縷連  
星榆長歷落月桂竝踰躑  
鬱鬱崑山畔青青谷水暎  
托根來淨域移植自芳年  
生小為嬌女容華及麗娟  
詩哦應口答書讀等身便  
緗帙攻文選綈囊貫史編  
摛詞徵綺合記事見珠聯  
八代觀升降三唐辨沂浴  
盡窺羽陵蠹旁及諾臯  
儂花草經芟擷蟲魚喜  
江箋部居分甲乙讐正雜  
丹鉛餘曲迴風後新粧落  
月前蘭膏燈燭繼翠羽筆  
床懸博士慙厨麓兒童愧  
刻鐫瑤光朝孕碧玉氣  
夜生玄隴水應連類唐山  
可及肩織縑詩自好搗素賦

是時中夜心多憂  
便小  
遺家何取於

此時因之何心也乃自平  
不  
廢中致學年造行色  
諸全中心肝者乎  
遊去以  
以  
以  
以



尤賢錦上文回復盤中字蜿蜒清詞常滿篋新製每連篇  
芍藥翻風豔芙蓉出水鮮頌椒良不忝詠樹亦何愆文賦  
傳鄉國詞章述祖先採蘋新藻麗種柳舊風煙字脚元和  
樣文心樂曲駢千番雲母紙小幅浣花牋吟詠朱樓遍封  
題赤牘遄流風殊放誕被教異嬋娟度曲窮分刊當歌妙  
折旋吹簫羸女得協律李家專畫奪丹青妙琴知斷續絃  
細胷宜蹴踘弱骨稱鞦韆天爲投壺笑人從爭博癩修眉  
紆遠翠薄髻妥鳴蟬向月衣方空當風帶旋穿行塵常寂  
寂履齒自珊珊舞袖嫌纓拂弓鞋笑足纏盈盈還妬影的  
的會移妍妙麗傾城國塵埃落市廛真堪陳甲帳還擬畫  
甘泉楊柳嗟攀折蘼蕪惜棄捐西家殊婉約北里正喧聞  
豪貴爭馳道兒郎學墜鞭迎車千錦帳輪面一金錢百兩

門闌咽三刀夢寐羶蕪堤渾倒踏黥水欲平填皎潔火中  
玉芬芳泥裏蓮閉門如入道沈醉欲逃禪未許千金買何  
當一笑媽釘心從作惡唾面可除瘡蜂蝶行隨遶金珠却  
載還勒名雕琰琬換骨飲珉璠枉自求蒲葦徒勞卜筮算  
軒車聞至止雜佩意茫然錯莫翻如許追陪果有焉初疑  
渡河駕復似泛湖船榜棹歌心悅中流笑語嫵江洲風颯  
沓雒浦水潺湲疎影新詞麗忘憂別館偏華筵開玳瑁綺  
席艷神仙銀燭光三五金尊價十千蠟花催兔育鼉鼓促  
烏遷法曲繁聲奏哀箏促柱宣步搖窺宋玉條脫贈羊權  
點筆餘香粉繡書雜翠鈿綠窗和月掩紅燭帶花拳菡萏  
歡初合臯蘓痍已蠲疑明嗔亦好溶漾坐堪憐薄病如中  
酒輕寒未折綿清愁長約畧微笑與遷延茗火閑房活爐



香小院全日高慵未起月出皎難眠授色偏含睇藏闔互  
握拳屏圍燈焰直坐促笑聲圓朝氣除簾箔流光度毳氍  
相將行樂地共趁討春天未索棋花笑徒聞火樹燃半塘  
春漠漠西寺草芊芊南浦魂何黯東山約已堅自應隨李  
白敢擬伴伶玄密意容挑卓微詞托感甄楊枝今婉孌桃  
葉昔因緣灞岸偏縈別章臺易惹顛娉婷臨廣陌婀娜點  
晴川眉無誰堪畫腰纖孰與孺藏鴉休菴靄拂馬莫纏絲  
絮怕沾泥重花憂放雪蕙芳塵和藥減春病共愁煎目逆  
歸巢燕心傷叫樹鶻惜衣鶯現皖護粉蝶翩翩攜手期弦  
望沈吟念陌阡暫遊非契闊小別正流連即席留詩苦當  
杯出涕泣昔城車輾輾鴛浦權黃緣去水迴香篆歸帆激  
矢弦寄憂分悄悄贈淚裹漣漣迎女雙安槩愁予獨扣舷

從今吳榜夢昔昔在君邊

合歡詩

辛巳六月七日  
葑城舟中作

鴛湖畫舫思悠悠谷水香車浣別愁舊事碑應銜闕口新  
歡鏡欲上刀頭此時七夕移弦望他日雙星笑女牛榜棹  
歌闌仍秉燭始知今夜是同舟

五葑媒雉即鴛鴦樺燭金爐一水香自有青天如碧海莫  
教銀漢作紅墻當風弱柳臨粧鏡罨水新荷照畫堂從此  
雙棲惟海燕再無消息報王昌

朱鳥光連河漢深鵲橋先爲架秋陰銀缸照壁還雙影絳  
蠟交花總一心地久天長頻致語鸞歌鳳舞竝知音人間  
若問章臺事鈿合分明抵萬金

春游



踏青車馬過清明。薄靄新煙逗午晴。日射天甌含色重。風和弱柳著衣輕。春禽欲傍欵頭語。芳草如當屐齒生。每向東山看障子。不知身在此中行。韶光是處着芳叢。輾轉香車展鏡中。拂水澗如圍繡帶。石城山作畫屏風。柳因鶯淺低迷綠。花爲春深歷亂紅。斜月半輪無那好。碧桃樹下小房櫳。

絳雲樓上梁以詩代文

三年一笑有前期。病起還如乍嫁時。風月重窺新柳眼。海山未老舊花枝。爭先石鼎搜聯句。薄怒銀燈算劫棋。見說秦樓夫婦好。乘龍騎鳳也參差。

絳雲樓閣榜齊。牢知有真妃降玉霄。匏爵因緣看墨會。

真妃示楊君有匏爵分味墨會定名之語苔華名字記靈簫。珠林有鳥皆同命。碧樹

無花不後凋。攜手雙臺攬人卅。巫陽雲氣自昏朝。駕月標霞面面新。玉簫吹徹鳳樓春。綠窗雲重浮香母。翠蠟風微守谷神。西第總成過眼夢。東山猶少畫眉人。憑闌共指塵中笑。差跌何當更一塵。

○ 硯祥夢蜚不遠千里。自武林唁我白門喜。而有作踰冬免苑。又經旬四海相存兩故人。吳淞各天如頽嶠。干戈滿地况風塵。燈前細認平生面。坐久頻驚亂後身。詹尹朝來傳好語。可知容易有斯晨。此係秋槐支集詩

○ 送周西有還金陵 以下初學集所未載者

冒絮蒙頭老病身。閉門消煞二分春。經殘自乞鄰家火。客到頻除坐榻塵。流水偏能依釣叟。桃花只合引漁人。秦淮舊日諸游侶。煙柳燈船念我頻。

支子修學字畫之  
獨信近時雅張  
幾近仁心沈琴



靈岩方丈佇望司農張靜庵未到

岩扉春淺日初暹。接足高僧晏卧時。方丈祇應禪老共琴臺。曾與片雲期。棹橫縞袂迎人笑。鶴曳玄裳入夢癡。凝望中庭指頑石。兩人心迹有誰知。

送王楚仙大行

絳節朱衣驛路香。桃花細雨帶恩光。使臣計日趨薇省。才子行春上柏梁。風暖螭頭吟芍藥。塵清豹尾賦長楊。漢庭更祝班聯近。雲母屏深御座傍。

和元微之雜憶詩

春燈賦罷早棋開。風景催人次第來。憶得隔牆明月夜。滿身花霧立蒼苔。

黃綾方勝繫紅絲。裹疊相思在此時。憶得玉環初解贈。丁

寧記我耳邊垂

愁到無愁恨。轉生侍兒欲喚却。忘名憶得阿圓來。送酒隔樓聞咏玉臺聲。

粧成忽報櫓聲催。欲別堂前首重迴。憶得徘徊難寄語。向人佯道幾時來。

雁頭牋香却。三秋惆悵佳晨似。水流憶得早寒鬟。未整爐香親送一停眸。

經年信隔似銀河。一見相看掩翠蛾。憶得門前方問訊。憑欄低語淚痕多。

相思無地恨偏長。斂衽纖纖拜覺皇。憶得證明通姓氏。因緣都仗一爐香。

全憑雙鯉寄相思。二六時中數寄詞。憶得封緘編甲乙。要



余裁報莫參差

曉涼天氣麥秋時。手折花枝慰所思。憶得奚奴傳好信。平安欲報幾驚疑。

香焦金鴨是離情。三月花開百媚城。憶得樓中人乍起。曉鶯殘月半天明。

元歎六十

誰於斯世得蕭閒。兩版衡門許閉關。老去風懷消淨業。窮來詩卷滿人間。花深野老尋春至。月白林僧破夏還。莫道靈光容易在。劫灰不盡有青山。

贈佟中丞滙白

時錄開度移旌江浙  
啓行之候正值初度

斗牛餘字尚論兵。臨遣元戎仗鉞行。蕩節星移龍尾道。牙章風發虎頭城。鮫人蛋戶橫戈數。海若天吳列隊迎。羽扇

指揮談笑裏。征南仍是舊書生。

數卷圖書一水香。鬱孤臺裏理新裝。江樵竝咏新詩卷。海月常懸舊印床。桃葉後庭紅豆曲。梨花前隊綠沈鎗。壽筵攜得天廚酒。千里何須走鶴觴。

玉帳牙旗累策勳。黑頭麟閣早知聞。三方節鉞推開府。一半河山屬使君。聞海舊諳魚鳥陣。越江新領鶴鷺軍。懸弧正應彤弓賜。遙指鑿閭拜五雲。

六瑄陽回朔氣和。燭花如月酒如波。金章競奏清風頌。鐵騎齊揮挽日戈。一宿崇朝朝紫極。雙星永夕傍銀河。碧桃午夜開花遍。遼鶴爭知幾度過。

鋒車鄭重詔東巡。紫誥黃封燕喜頻。天上小紅花不夜。人間重碧酒長春。客如彭叟羹雉家。有麻姑脯擗麟。記取



良常開宴後嘉平終古是芳辰

長筵開罷即長征飲至論功在此行銀箭頻傳籌整暇金  
杯數舉令分明酒旗走馬晨催陳火樹飛鴉夜點營莫笑  
書生歌命將憑將笳鼓壯先聲

華筵綺席逼除開玉律青陽應候催斗下彤雲籠祭戟河  
中碧落寫樽罍寒禁翠幄先舒柳春逗紅旛早綻棗最是  
轅門多送喜饒歌鼓吹已如雷

魚鑰金壺莫漫催齊眉親送紫霞杯合歡樹倚三眠柳燭  
夜光傾四照棊戴勝杖從金母授羽衣曲自月妃來當筵  
介壽多詩筆授簡逡巡避玉臺

附河東君詩

柳是字如是

初贈

聲名真是漢扶風妙理玄規更不同一室茶香開澹黯  
千行墨妙破冥濛竺西瓶拂因緣在江左風流物論雄  
今日沾沾誠御李東山蔥額莫辭從

次韻答冬日泛舟有贈

誰家樂府唱無愁望斷浮雲西北樓漢佩敢同神女贈  
越歌聊感鄂君舟春前柳欲窺青眼雪裏山應想白頭  
莫爲盧家怨銀漢年年河水向東流

春日我聞室作

裁紅暈碧淚漫漫南國春來正薄寒此去柳花如夢裏  
再來煙月是愁端畫堂消息何人曉翠帳容顏獨自看  
珍重君家蘭桂室東風取次一憑闌

守歲我聞室次韻



合尊餞歲羨辰良綺席羅幃罨曙光小院圍爐如白晝  
兩人隱几自然香縈窗急雪催殘漏照室華燈促艷粧  
明日珠簾侵曉卷鴛鴦羅列已成行

次韻上元虎丘小飲

絃管聲停笑語闌清尊促席小闌前已疑月避張燈夜  
更自花輪舞雪天玉蕊禁春如我瘦銀缸當夕爲君圓  
新詩濃艷催桃李行雨流風莫妬妍

鴛鴦舟中送牧翁之新安

夢裏招招畫舫催鴛鴦湖鴛鴦翼若爲開此時對月虛琴水  
何處看雲過釣臺惜別已同鶯久駐銜知應有燕重來  
祇憐不得因風去飄拂征帆比落樵

和陌上花

陌上花開照板扉鴛鴦湖水漲綠波肥斑駁雪後遲遲去  
油壁風前緩緩歸

陌上花開一片飛還留片片點郎衣雲山好處亭亭去  
風月佳時緩緩歸

陌上花開花信稀揀花風煖颺羅衣殘花和夢垂垂謝  
弱柳如人緩緩歸

和浴湯池

素女千年供奉湯拍浮渾似踏春陽可憐蘭澤都無分  
宋玉何由賦薄裛

浴罷湯泉粉汗香還看被底浴鴛鴦黟山可似驪山好  
白玉蓮花解捧湯

睡眠朦朧試浴身芳華竟體欲生春憐君遙喫香溪水



蘭氣煤魂暗著人

旌心白水是前因  
觀浴何曾許別人  
煎得蘭湯三百斛  
與君攜手拔征塵

次韻中秋出游

秋水春衫愴暮愁  
船窗笑語近紅樓  
多情落日依蘭櫂  
無藉輕雲傍彩舟  
月幌歌闌尋麈尾  
風牀書亂覓搔頭  
五湖煙水長如此  
願逐鷗夷泛急流

素瑟清尊迥不愁  
柁樓雲物似粧樓  
夫君本自期安樂  
賤妾寧辭學泛舟  
燭下烏龍看拂枕  
風前鸚鵡喚梳頭  
可憐明月將三五  
度曲吹簫向碧流

和小至日京口舟中

首比飛蓬髣有霜  
香奩累月廢丹黃  
却憐鏡裏叢殘影

還對尊前燈燭光  
錯引舊愁停語笑  
探支新喜蹙悲傷  
微生却似添絲線  
邀勒君恩竝許長

次韻辛巳元日

蘼蕪新葉報芬芳  
彩鳳和鸞戲紫房  
已覺綺窗回淑氣  
還憑青鏡縮流光  
參差旅髣從花妬  
錯莫春風爲柳狂  
料理香車并畫楫  
翻鶯度燕信他忙



乃有肯諤已甚者乃晚年  
政本云一形人語也

推旁起發示意色其物  
氏何乃可定其後人皆罵  
更不惟何行極子已可

秋槐詩集

以下俱從嘉興陳氏所校晚  
年改本與原集多有異同

咏同心蘭

竝頭容易共心難。香草真當目以蘭。不似西陵凡草木。漫  
將啼眼引郎看。

花發秋心賽合歡。秋蘭心好勝春蘭。花前倒挂紅鸚鵡。恰  
比西方共命看。

觀管夫人畫竹并書松雪公修竹賦敬題短歌

仲姬寫竹如作書。八分篆籀相扶疎。金刀屈鐵應手出。頭  
白蕭郎爭得如。仲姬作書如寫竹。雨葉風枝披簡牘。况復  
追趨松雪翁。兔起鶻落誰能逐。白蓮花莊風日暘。鷗波亭  
子翰墨香。仲姬放筆自歛衽。文敏展玩為傍徨。天上人間  
此佳耦。齊牢共命兼師友。祇應讚歎復頂禮。豈向容華論



妍醜多生願力然燈時世人艷妬徒爾為却笑吹簫吾瞎子諧謔空傳倒好嬉

丙戌南還贈別故侯家妓人冬哥

繡額灰飛金谷殘內人紅袖淚闌干臨觴莫恨青娥老兩見仙人泣露盤

天樂荒涼禁苑傾教坊悽斷舊歌聲臨岐只合惜騰去不忍聽他唱渭城

虹氣橫天易水波卷衣秦女淚痕多吹篴賸有侯家妓記得邯鄲一曲歌

師師垂老杜秋哀金縷歌殘盡此杯惆悵落花時候別江南花發遲君來

燕市別惠房二老

以箕子自况伊誰仿

白駒未繫又離筵北斗南箕信可憐驛鳥朝周纔信宿金人辭漢已千年房公鷺為清池好惠子驟因空谷傳龍漢劫中期後會灞陵回首重依然

丁亥夏題清河公海客釣鰲圖

貝闕珠宮不可窺六鰲風浪正參差釣竿莫拂珊瑚樹珍重鮫人泣雨時

陰火初消黑浪遲投竿錯餌自逶迤探他海底珠如月恰是驪龍晝睡時

和東坡西臺詩

丁亥三月晦日晨興禮佛忽被急徵銀鐙拖曳命在漏刻河東夫人沈疴臣等蹶然而起冒死從行誓上書代死否則從死慷慨首途無刺刺可憐之語余亦賴以自壯焉獄急時次東坡御史臺寄妻詩以當訣別獄中過絕紙筆臨風暗誦泣而已生還之後尋繹遺忘值君三十設悅之辰長筵初啓引滿放歌以博如臯之一笑并以傳臚同壽求屬和焉



陰宮窟室畫含悽。屋色蕭騷白日低。天上底須論玉兔。人間何物是金雞。肝腸迸裂題襟友。血淚模糊織錦妻。却指恆雲望家室。滹沱河北太行西。  
紂絕陰天鬼亦悽。波吒聲沸柝鈴低。不聞西市曾牽犬。浪說東城再鬪雞。竝命何當同石友。呼囚誰與報章妻。可憐長夜歸俄頃。坐待悠悠白日西。  
六月霜凝倍慘悽。骨消皮削首頻低。雲林永絕罹羅雉。砧几相憐待割雞。墮落劫塵悲宿業。皈依法喜愧山妻。西方西市元同觀。懸鼓分明落日西。  
桔拳扶將獄氣悽。神魂刺促語言低。心長尚似拖腸鼠。髮短渾如禿憤雞。後事從他攜手客。殘骸付與畫眉妻。可憐三十年來夢。長白山東遼水西。

此等博雅者珠玉皆依月  
延傳家以有美詞句

領聯十の字有去聲  
園點去未の去也 花香  
但苑

開合標從の字の就經由  
夢園の跡少後之非也

金壇逢水榭。故妓感歎而作。  
黃閣青樓盡可哀。啼妝墮髻尚低徊。莫欺鳥爪麻姑少。曾見滄桑前度來。  
剩水殘山花信稀。鎖窗鸚鵡舊籠非。儂家十二珠簾外。可有尋常燕子飛。  
○ 吳門春仲送李生還長干  
闌風伏雨暗江城。扶病將愁起送行。煙月揚州如夢寐。江山建業又清明。夜烏啼斷門前柳。春鳥銜殘花外櫻。尊酒前期君莫忘。藥囊吾欲傍餘生。  
廣陵舟中觀程端伯畫冊戲為作歌  
大癡仙人不肯人間住。萬里軍持入煙霧。少年結隱虞山麓。把酒看山每日暮。西園華嶽通箭栝。南寫匡廬挂瀑布。



千山萬壑湧現十指端盤礴皴染仍是家山釣游處平生  
熏習老不忘一重一掩自吞吐雪浪參差劍門石煙嵐  
靄石城樹我昔讀書此山中丙舍連山抱丘墓每指虞山  
誇似人此是大癡真畫具自從喪亂走塵埃拋擲家山比  
行路風窗雲戶歸渺茫蟹舍漁莊傍沮如今日何日見此  
本紙上煙嵐忽盤互重山複嶺看不足浮嵐暖翠喜重晤  
嗟君如椽大手筆閒却詞頭理毫素厭看河陽玉堂壁夢  
落龍圖楚江渡游戲丹青學子久意匠經營有神遇登山  
恐被葵丘嘲臨本應為石田妬得非一峯老人今再生不  
然虞山粉本誰與交手付是時薄游廣陵歲云暮邗江漢  
漠愁江汜蕃釐花殘但禾黍隋堤柳禿無柳絮策籬灣頭  
萬樹鴉夏國墳荒何處駐竹西歌吹又喧闐對畫沉吟感

策筌二句又亦十  
振廣陵詩注

集本注本  
均作寒江  
又柳絮作  
飛絮

忽成採開列大  
一字收結事  
入詩者

情愫歸與歸與勿猶豫掃除茅茨守場圃金鰲夜半左股  
已失却還愁君家畫筍又捲虞山去

次韻林茂之戊申中秋白門寓舍待月之作

空階荇藻影沉淨管領清光兩白頭條戒山河原一點平  
分時序也中秋風前偏照千家淚笛裏橫吹萬國愁無那  
金昌今夜月雲鬢香霧更悠悠

次韻茂之戊子秋重晤有感之作

殘生猶在訝經過執手祇應喚奈何近日理頭梳齒少頻  
年洗面淚痕多神爭六博其如我天醉投壺且任他太息  
題詩垂白叟重將老眼向關河  
覆杯池畔忍重過欲哭其如淚盡何故鬼視今真恨晚餘  
生較死不爭多陶令世界寧關我針孔光陰莫羨他遲暮

教詩中有極  
深與安亦  
指序新行

送福王說  
及至在列市



示此七下但本亦存二向中  
有長行然晚

將離無別語好將白髮喻觀河

風輪火劫暮年過未死將如朽骨何逐鹿南公車乘少操

蛇北叟子孫多地更甌脫徒為爾天改撐犁可任他李賀

漫歌辭漢淚不知鉛水已成河

涼風撼撼凜秋過枯樹婆娑奈爾何遼鶴定知同伴少楚

囚剛道一身多茫茫禹蹟今如此憤憤天公莫怨他惆悵

渡頭桃葉女板橋猶說舊秦河

見盛集陶次他字韻詩更和

秋衾銅輦夢頻過四壁陰蟲聒謂何北徙鵬憂風加少南

飛鵲恨月明多杞妻崩雉真憐汝苕婦量城莫甚他却笑

玉衡無定準天街仍是限星河

白翎雀斷海青過蜀魄啼如來路何肅慎矢楛天柱少支

本集本注  
本均作目

三五

是時亦的玉五為於振故  
有三句至玉以江而反正故  
存の句

祁神鎖地維多周占墨食寧欺我楚尹狐疑莫問他謾道

張騫能鑿空終將一葉到天河

八翼摧殘六鷁過呼鷹躍馬意如何天迴鷄火三精在地

長龍沙一柱多鷓識北來仍喚汝臯謀東徙莫知他夜闌

挹酒朝南極箕尾芒銷爛絳河

觀碁

當局休論下子遲爭先一着有人知由來國手超然處正

在推枰斂手時

一局分明小劫期餘尊尚湛日初移局中敵對神仙手輸

與樵夫會看碁

方津老手解論兵半局偏能讓後生奕到將殘休論殺花

陰漏日轉枰枰

四六

論集本注  
本作懸



冠鷓巾鴟趨劫灰西園諧價笑喧逐白身誰似羊玄保賭  
得宣城太守廻

後觀棊

客舍蕭辰看奕棊秋風捲籜響枯枝空庭落葉空如掃爭  
似盤中下子遲

寂寞空枰響次寥秦淮秋老咽寒潮白頭燈影涼宵裏一  
局殘棊見六朝

飛肉侵邊劫正闌當場黑白尚漫漫老夫袖手支頤看殘  
局分明一着難

霜落鍾山物候悲白門楊柳總無枝殘棊正是烏棲候一  
角斜飛好問誰

題金陵三老圖

閱集本注  
本作向

三老衣冠彼一時畫圖省識起遐思青鞵布襪唐賢像修  
竹清流晉代詩鳳去梧桐還有樹烏啼楊柳已無枝秦淮  
煙月經遊處華表歸來白鶴知

贈濮老仲謙

滄海茫茫換劫塵靈光無恙見遺民少將楮葉供游戲晚  
向蓮花結淨因杖底青山為老友窗前景竹似閒身堯年  
甲子欣相竝何處桃源許卜鄰

題丁家河房亭子

在青溪遂  
步之間

君與余  
同壬午

小園花外市朝新夢裏華胥自好春夾岸麴塵三月柳疏  
窗金粉六朝人小姑溪水為鄰竝邀筵風流是後身白首  
吳鉤仍惜客看囊一笑是長貧

和盛集陶落葉詩

秀香冊，乃記多，其意支  
在杜子，此

閱集本注  
本作闌

二選

四選



秋老鍾山萬木稀，凋傷總屬劫塵飛。不知玉露涼風急，只道金陵王氣非。倚月素娥徒有樹，履霜青女正無衣。華林慘淡如沙漠，萬里寒空一雁歸。

寒夜夢醒忽得二十八字，似是早春宮詞。

小闌修竹綻官梅，淑氣先從御柳回。二十五家春晏罷，不知何處是蓬萊。

次韻答皖城盛集陶見贈

盛與林茂之鄰居，皆有目疾，故次首戲之。

枯樹婆娑隕涕扳，祗餘蕭瑟傍江關。文章已久滄桑錄，詩卷寧留天地間。汗史血書讐故簡，煙騷魂哭怨空山。終愁商頌歸玄鳥，麥秀殘歌詎忍刪。

有瞽鄰墻步屨親，摩挲攬鏡笑看人。青盲恰比瞳矓日，象罔聊為示現身。竝戴小冠希子夏，長懸內傳配師春。徐州

好士今無有書冊，何當代爾申。

歲晚過茂之見架上殘帙有感，再次申字韻。

地濶天高失所親，悽然問影尚為人。呼囚獄底奇餘物，點鬼場中僱倩身。先祖豈知王氏臘，邊人不解故家春。可憐野史亭前叟，掇拾殘叢話甲申。

秋槐詩文集

已丑元日試筆

春王正月史仍書，上日依然芳草初。白髮南冠聊復爾，青陽左个竟何如。三杯竹葉朝歌後，一枕槐根午夢餘。傳語白門楊柳色，桃花春水是吾廬。

寄題廣陵菽園

架構平臨邛水涯，清堤迎却俯塵沙。南塘路識將軍第，東



閣榭如水部衙十里珠簾叢腐草二分明月冷煙花輕軒  
奉母承平事會有新詩補白華

次韻答何寤明見贈

桃李何曾怨不言沅湘憔悴自蘭蓀劫灰蕩掃文章貴星  
緯消沉處士尊江左風流餘汝在襄陽耆舊幾人存新詩  
攜去誇春社一字須傾酒一樽

新安汪氏收藏目錄歌

鴻朗八百應壽昌斗匡天府垂文章東壁圖書賁南極光  
晶下薄天子障金錢積氣久盤鬱化為羣玉分瓊琅羽陵  
宛委吐靈異瑤函雲笈差縹緗晉書唐畫出秘閣永和淳  
化羅墨莊昭陵玉匣誇購取宣和金書矜弃藏鄴侯萬籤  
曾未觸桓玄一厨今不忘東觀詞人著跋尾奎章學士書

有序

右方軒轅丹鼎借光氣天都草木增輝煌人間墨繪汗牛  
馬敢與列宿同寒芒清閔之閣蕭閒堂克棟插架聞古香  
錯列几案峙藝鼎鎮壑卷帙填圭璋疎窗眼明見倉籀  
几日暖流丹黃主人好古復好事千金豪擲如鉞鉞彈琴  
煮茗自欣賞高僧詞客同平章青娥摩挲辨欵識紅袖拂  
拭熱都梁淒涼不解雲煙錄寒儉笑彼書畫航一之帝所  
夢不返高冠長劍從文皇平泉花木旋改易衛公器物非  
故常雷劍一往隨取去楚弓人得知何方茂先室有殘機  
杼長吉家看古錦囊一生嗜好存譜錄十載鐫鏤勞肺腸  
遺墨宛然網塵匣厥子緡得重裝潢鄭重有如獲拱璧再  
拜示我涕泗滂君不見甲申以來百六殍颺迴霧塞何茫  
茫昆明舊灰鑠銅狄陸渾新火熱崑岡乘輿服御委糞土

同集本注  
本作分

林集本注  
本作矣

此下有目注云...  
文以詩及...  
美防...  
...



武庫劍履歸昊蒼。燬火蕩拋琬琰字。馬牛蹴踏金玉相。南  
城叢殘餘煨燼。北門矇瞽徒看詳。神焦鬼爛半泯滅。國亡  
家破同盡傷。寶玉大弓魯史在。玉魚金盃唐天長。漫云遺  
山譜器什。更與淵穎論滄桑。還君此冊王太息。謁帝吾欲  
招巫陽。

已丑歲暮讌集連宵於時豪客遠來樂府駢集縱飲

失日追歡忘老即事感懷慨然而作

風雪填門噪晚鴉。脩書劍到天涯。何當錯比楊雄宅。恰  
似相逢劇孟家。夜半壯心迴起舞。酒闌清淚落悲笳。流年  
道盡那堪餞。却喜飛騰暮景斜。

送客留髡促席初。履交袖拂樂方舒。酒旗星上天猶醉。燭  
炬風欹歲漸除。霜隔簾衣春盎盎。月停歌板夜徐徐。觥船

莫惜頻煩勸。已是參橫斗轉餘。

風光如夢夜如年。如此歡娛但可憐。曼衍魚龍徒瞥爾。醉  
鄉日月故依然。漏移警鶴翻歌吹。霜壑啼烏殺管絃。曲燕  
未終星漢改。與君堅坐看桑田。

扶風豪士罄追歡。楚舞吳歛趁歲闌。銀箭鼓傳人恁况。金  
盤歌促淚沈瀾。杯銜落日參旗動。炬散晨星劫火殘。明發  
昌門相憶處。兩床絲竹憶漫漫。

### 賜蘭堂壽讌詩

金壇虞憲使兄來初與余同舉丙午少壯論文忽焉七十响嚅相存哀榮無間於其  
初度之日為長句以稱壽焉閱閱箕裘之盛園林讌賞之樂鋪陳揚扞畧盡一斑而  
要歸於家恩國恤回翔俯仰感慨係之蓋庶幾頌禱之義具焉其不獨以比於彈絲  
竹考鐘鼓而已亦或以望吾兄從容燕喜之餘為停杯而三歎也夫虞之先世大理  
公謙為永宣名臣常拜宣廟  
襖帖之賜賜蘭其堂名也

綠髮朱顏却杖扶。行年七十似兒駒。一夔端許諧虞樂。虞一



戲羣鳳紛看集帝梧天漾酒旗星海動地蟠燈樹月輪孤  
華陽大有登真宴得似長筵此會無

兩床羅列十肴俱秉燭追歡似逐逋句曲園林藏地肺茅  
家供饌出天厨經年拚擋春燈賞排日規模夜讌圖樂土  
居然塵劫外良常日月未應誣

英妙才名京洛傳黑頭兄弟兩皤然夔龍兕虎看誰在猿  
鶴沙蟲劇可憐金爵觚稜紅燭裏玉杯繁露綠尊前停斟  
却笑人間事龍漢魚河復幾年

奉贈弢武杜公

辛勤百戰爲山河東馬懸鋒鬣已皤吳下諸生推杜預關  
西老將憶廉頗揮毫爛熳頭風檄擊缶蒼茫耳熱歌記取  
鷹揚非少壯莫將芒角自鐫磨

申丹刑白誓書垂俄及山河帶礪期熊耳峯前倂耳日馬

鞍山下據鞍時閒園種菜分戎壘曲宴催花樹酒旗春草

青絲調伏櫪識途終許荆令支

庚寅人日小集即事

縷金圖勝總無情佩劍衝星黯未平劫末乾坤餘七日行  
間兵火已三生梅花北戶春將發菜甲東風與歲更強欲  
登高難舉目草堂吟望淚縱橫

莫英依然七葉齊文王喻復此應稽亦知是日妨晴昊未  
省爲人學犬雞頰海風煙回玉笛羅浮春色應金閨開尊  
遺老休談笑明日看棋可杖藜

人日示內

夢華樂事滿春城今日淒涼故國情花燼舊枝空帖燕柳

三向下有句注云公時友授  
昆山

楊云杜句



燔新火不藏鶯銀幡頭上衝愁陳柏葉尊前放酒兵憑仗  
閨中刀尺好剪裁春色報先庚  
靈辰不共劫灰沉人日人情泥故林黃口弄音嬌語澁綠  
窗停梵佛香深圖花却喜同心帶學鳥應師共命禽夢向  
南枝每西笑與君行坐數沈吟

依韻奉和

春風習習轉江城人日於人倍有情帖勝自能欺舞燕  
粧花真欲坐流鶯銀幡因戴欣多福金剪儂收喜罷兵  
新月半輪燈乍穗爲君酌酒祝長庚  
佛日初輝人日沉彩幡清曉供珠林地於劫外風光近  
人在花前笑語深洗罷新松看沁雪行殘舊藥寫來禽  
香燈繡閣春常好不唱卿家緩緩吟







